

نسخه سی
۵ غروش
پوسته اجرتی
۳۰ پاره در

تورکجه چاقلار دیر استانبول

سنه ک ابونه سی
۵۰ غروش
پوسته اجرتی
۱۰ غروشد

شهر امانتی محمد علی

شهر امانتی طرفنده آیده بر نشر اولنور

صای ۹

مایس ۱۳۴۱

سنه ۱

استانبولک نفوسی

— ۳ —

نفوسی مندرج بولندینی حالده استانبوله عائد ستونلر بوش براقلمشدر .

صوک تحریر نفوسک ۱۳۲۲ ده اجرا وموضوع بحث مجموعه نك ۱۳۲۴ ده طبع ایدلسنه باقيلرسه ۱۳۲۲ تحریرينك ایستاتستيق ياپيلمش اولسه ایدی بالخاصه تورکيه نك نفوسی ایچون ترتیب وطبع ایتدیرلمش اولان بوجمعه ده مندرج اولسی اقتضا ایدردی . ایشته بوقوتلی دلیل ایله حکم ایدیورم که صوک تحریر نفوسک نتیجه سی ۱۳۲۴ سنه سنه یعنی اعلان مشروطیته قدر آلهاماش وبالطبع ایستاتستيق ياپيله ماشدر . اعلان مشروطیتدن صوکره ایسه برجوق تبدلر طولاییدیله ایستاتستيق ترتیبی بوس بوتون اهال ایدلمشدر .

بونک سببی تحقیق ایده ایده نهایت اوزمان تحریر ایشلرنده بولمش اولانلردن اکلايه بیلدم . آنان معلوماته کوره داخلیه نظارتی سجل نفوس اداره عمومیه سی ؛ استانبولک اوزمان منقسم بولندینی اون دائرة بلدیهدن طقوزی داخلنده متمکن نفوسی قید وتسجیل ایش فقط دردنجی بشکطاش دائرة بلدییه سی

برنجی وایکنجی مقاله لرده استانبولک بدایت فتحندن ۱۳۲۲ سنه سنه کلنجهیه مختلف دورلرده کی نفوسه دائر ایضاحات ویرلمشدی .

بومقاله ده ۱۳۲۲ دن صوکره کی نفوسی  ازی موضوع بحث ایديله جکدر . تورکيه ده الصوک عمومی تحریر نفوسک ۱۳۲۲ سنه سنه یاپلمش اولدینی خاطر لرده در . طوروب طورورکن یچون برنجیر عمومی ياپيلمش ، بوکاناسل بر اسباب موجب کوسترلمش وتحریردن نه نتیجه الده ایدلمشدر ؛ مع الاسف بونلر حقتده هیچ بر یرده برقید ومعلوماته دسترس اوله مدم .

تحریرک سائق نه اولورسه اولسون باری نتیجه نك ، تعبیر آخرله قید وثبیت اولنان نفوسک مقداری معلوم اولسه ایدی ینه برایش یاپلمش عد اولنوردی .

ملفا تجارت نظارتنك ۱۳۲۴ سنه سنه تورکيه نك نفوسی حقتده بر عمومی ایستاتستيق ترتیب ونشر ایتدیرلمش اولدینی خبر آله رق اوزون تحریات نتیجه سنه مذکور ایستاتستيق الده ایدلمش ایسه ده شایان حیرتدر که بوقوس قوجه مجموعه ده استانبولدن ماعدا تورکيه بلده لرینک

مع مافیہ بونلرلده قناعت ایتیمه رک بوبادده سوزسولمکه
هر کسیدن زیاده صلاحیتدار بر ذالمک رسمی معلوماته
مراجعت ایتدم .

آلنان تحریری ایضاحاته کوره « ۱۳۲۲ » تحریری علمی
اساسلره استناد ایتدیرلهمه مش ، عندی ، کیتی اصوللرله
یاپلمش ، اوقدر خطالی اولمش که مدت تحریر ظرفنده
استانبولک مختلف سمترینه نقل خانه ایدن برذات درت
دفعه یازمش ودرت دفعه ده باشقه باشقه تولدلرله یدینه
نفوس ندکره سی ویرلمشدر .

بو یله خطالی بر تحریر نتیجه سنده اده ایدیلرله جک اراقامک
ماهیتی حقنده ایضاحاته لزوم یوق .

تحریر نتیجه سنده حرکات نفوس ده تعیب ایدیلرله مامشدر .
صوک مبادله تحریری اوزرینه آطه ده مکتوم فقط برلی
وصاحب صنعت روماره تصادف اولتمشدر .

تبدیل مکان ، تولدات ، وفیات ، داخلی ، خارجی
مهاجرت خصوصلری ده هیچ تبیت ایدلمه مشدر . ۳۳۰
سنه سندن صوکره باشلایان احوال اک جوق بو خطالی
ارقامی آلت اوست ایتمش و فی الحقیقه باعث حجاب بروضعیت
احداث ایتلمشدر .

بو کونکی استانبول نفوس دفترلری وان ولایتی
قضالرینک دفترلرندن دهافا وملت اولدیغندن بونلرک
برآن اول صاعلام بر اصوله ربطی ضروریدر . »

شوا یضاحات اوزرینه آرتق ۱۳۲۲ تحریرینک نتایجی
حقنده رسه و صحیح معلومات احصائییه تحریرسندن امید
کسیلمک ایجاب ایدر .

۳۲۲ تحریرینک ایستاتستیقی ترتیب ایدلمه مش اولسنه
رغمآ استانبول نفوس اداره سنک مشروطیتدن صوکره
نفوس موجوده حقنده وقت وقت بعض ارقام کوستردیکی
اکلاشمقده ایسه ده بو خصوصه نهیه استناد وبنای
معلومات ایدلرکی بیلنهامکده در .

بو اراقامک ده اولکی سنلره عائد اولانلری تحقیق
ایدلمه مش ایسه ده اما تچه احصائیات مجموعه سی نشرینه
باشلانیدی ۱۳۲۸ سنه سنده استانبولده ۸۵۷،۰۶۷

حدودی داخلنده تحریر نفوس یا غمه جسارت ایدمه مشدر .
بوکاهر حالده ژور نالجیلرک سبیت ویردیکی وعبد الحمیدک
اوهامنه طوقنه جق طرزده معروضانده بولندقلری
شه سزدر . اودورده طاقم طاقم هیئتلرک بشکطاش جوارنده
اهالی بی قیدایله مشغول اولدقلری ، حتی سیرایله بیلر
کیردرک دروینده کیلری یازمقده بولندقلری طرزنده
یازیلر جق برزورنال عبدالحمیدی جیلدیرنه جق درجه ده مهم
برحادثه ایدی . چونکه ییلدیز سیرایله دیگر شهزاده لر
وسلطانلرک اقامتگاهلری بوداژه داخلنده اولوب انسانی
تحریرده سیرایلرک کی نفوسک یازلمیسه ده طبیعی و بونک ایچونده
همه حال اراده استحصالی الزم و ضروری اولدیغندن کیفیتک
عرضیه اراده استحصالنه باب عالیجه جسارت ایدیلرله همه مش
و بوجسار تسرلک اعلان مشروطیته قدر دوام ایتشدر .
اعلان مشروطیتی متعاقب تحریرک دردنجی دأثریه اصابت
ایدن اقسامنک اکمالی لازم کلایرکیکن انقلابک اودغندغلی
زماننده بوجهت کیسه نک خاطر بنه کله مشدر . مع مافیہ کله بیلر
آردن ۲ - ۳ سنه کچمش اولسنه نظراً بولنه جق عددک
یک اوقدر قیمتی ده اولیه جقدن .

شوراسی شایان دقتدرکه طقوز دأثره نک تحریری
ختم بولقدن صوکره سجل نفوس اداره عمومیه سنجه
دردنجی دأثره نک نتیجه سنه انتظاراً اونلرک ایستاتستیقی
ترتیب اولمش و طقوز دأثره داخلنده آلتی بوز کسورینک
نفوس بولنشدر . ۱۳۰۰ تحریرنده بشکطاش دأثره
سنه ۷۰۹۱۷ نفوس بولنش اولسنه کوره اکسیک
ویافضله اولدیغی نظر دفته آلتیه رق ۱۳۲۲ ده ده بوقدر
نفوس بولندینی قبول ایدیلرله ۱۳۲۲ سنه سنده استانبولک
عموم نفوسنک آتیق ۷۰۰۰۰۰۰ بالغ اولدیغی
شوصورتده تظاهر ایدر .

۲۲ سنه اول یایلان تحریرده ۷۶۳۵۶۵ نفوس بولنسنه
کوره ۳۲۲ ده استانبول نفوسنک ۶۳۰۰۰ کسور
راده سنده برتاقصه اوغرا دینی اکلاشیلیورایسه ده ۳۲۲
تحریرنده اجنیلرک داخل تحریر ایدیلوب ایدلمدیک تحقیق
ایدلمه مایی حبیبله بومطالعده اصراره جسارت ایدیلرله من .

اجنبی کوسترلش و ۱۳۳۵ نفوسنده بومقدار عیناً جدولہ ادخال ایدلمشدر .

ایشته شوده کوستریر که ۱۳۲۲ تحریرینک نتیجہ سی آلہ میرق حالا ۱۳۰۰ تحریرینہ کورہ ازبر اولہرق نفوس جدولاری طولیدلمقدہدر . ۱۳۰۰ دن ۱۳۳۵ سہ سہ قدر ۳۵ سہ طرفندہ استانبولہ کی اجنبیلرک مقدارندہ ۶۸۲ رادہ سندہ بفرق حاصل اولسی کولچ اولدینی قدر حیرتی دہ موجیدر .

حرب عمومینک اعلانندہ آلمان، آوستریا و بلغاریہ سہ سہندن ماعدہ اجنبیلرک شہردن چیقارلدینی نظردقہ انلیر و متار کہہ ایچندہ استانبولہ تہاج ایدن اجنبیلرک مقداری دہ حساب ایدیلرسہ نہ حربک ظہورینہ تصادف ایدن ۳۳۰ دہ نہ متار کہہ مصادف ۳۳۵ دہ کوستریلن اجنبیلر مقدارینک حقیقتلہ استیزدن و ۱۳۰۰ تحریرندہ اجنبی کوستریلنلری عیناً اراہندن باشقہ برشی اولمادینی تظاہر ایدر .

ایشته بوقفلر حکومتجہدہ معلوم اولدینی ایچون نفوسک ویردیکي مقدارلرہ اصلاً اعتبار ایدلمیرک لزوم کورولدیجہ و بالخاصہ مبعوث اتخانی صرہ لرنندہ و یادیکر فوق العادہ احوالہ ثباتقہ و ساقطلہ یکیدن استانبول نفوسی تحریر ایتدیرلمکدہدر . ۱۳۳۸ سہ سندہ استانبول پولیس مدیرینجہ یابلمش اولان تحریردہ بوجہ دندر .

۳۳۸ سہ سندہ میرآلای اسعد بکک پولیس مدیریتی زمانندہ استانبولہ نہ قدر نفوس موجود اولدینک و بوقفوسک اسکان واقامت و اجرای صنعت و تجارت ایتدیکي نہ مقدار خانہ ، دکان و اوئل بولندینک تحقیق و تئیتہ لزوم کوریلہرک پولیس مراکزی واسطہ سیلہ منتظم دفترلر و جدوللر ترتیب ایتدیرلمشدی .

بوتحقیقات نتیجہ سندہ استانبولک ہر محلہ سندہ نہ مقدار اہالی ساکن اولدینی قید و تثیت ایدلدیکی کی ہر ملتہ اصابت ایدن ارکک ، قادین ، قز و ارکک چوجوق دہ آریجہ ترتیب اولنان جدوللردہ کوسترلشدر .

کرچہ بوکادہ تام و علمی معناسیلہ برتحریر نفوس

مشروطیتدن سوکرہ - محلاتجہ نفوسہ بیلدیرمک مجبوری عادتاً رفع ایدلمش دہا طوغریسی خبر ویرمہ یلنرہ برجزا ترتیب ایدلمش اولدینی حالہدہ نفوس ادارہ سی برسہ ظرفندہ بونک ایچون ۱۳۲۷۹ کی بررقم کوسترلمکدہدر . شوردت مادہ نک محاکمہ سی ودرجہ و ثوقی قارنک ادراکنہ براقدرق اساسی صورتندہ بیان مطالعہ دن صرف نظر ایدیلورم .

یالکز شوقدر دیر و تکرار ایدرم کہ بوقفوس جدوللری ہب ازراولہرق ترتیب ایدلمش و ترتیب ایدیلرکن اصلاً دفترلرہ و قیدلرہ باقیلماشد . - خوش باقلسدہ دفترلر دن نفوس قیدی چیقاریلہ مازیا - طشرہ دن کلنلر ایسہ منتظماً دکل اصلاً نفوسہ خبر ویرمکدن بونلر حقندہ کی مقدار دہ ہب تخمینہ مستنددر . حرب ایچندہ اجتماعی و اقتصادی برچوق سبیلرلہ نفوس اطفالہدہ ترایددن زیادہ تناقص اولہجفی ایسہ ادنا بر ملاحظہ ایلہ تظاہر ایدر . اجنبیلرک مقدارینہ کلنجہ :

ایکینجی مقالہ نک نہایتہ طوغری « ۱۳۰۰ تحریرندہ ۱۰۱۲۰۵ ی ذکور و ۲۸۰۳۸ ی انات اولقی اوزرہ ۱۲۹۲۴۳ اجنبی بولندینی نظر دقتی جلب ایدہجک برمسالہدر . ۱۲۹۲۴۳ نفوس دنیانک اولدجہ بویوک و غلبہ لاق شہرلر دن برچوغنک نفوسندن فضلہدر . بوقدر اجنبی نک دیگر بردولتک طویراغندہ و خصوصیلہ مرکز حکومتندہ بولنسنہ احتمال ویریلہمز . حتی حرب عمومینک نتیجہ سندہ و متار کہ آٹانساندہ بیلہ استانبولہ بولنان اجنبیلرک مقداری بوعددی آٹانماشدر دنیہ بیلر » مطالعہ سی در میان ایدلمش و نتیجہدہ استانبولہ کی اجنبیلرک عددینک ۳۰ - ۴۰ بیکی تجاوز ایجمہجکی قناعتی اظہار اولنشدی .

۱۳۰۰ دہ بولنان بومقدارک ۱۳۳۰ و ۱۳۳۵ دہ کی نفوس یکونلرنندہدہ اوفقی بفرق ایلہ موجود اولدینی حیرتلہ کورولمکدہدر .

فی الحقیقہ ۱۳۳۰ نفوسہ عائد جدولہ مدرجہ طشرہ دن کلنلر و اجنبیلر یکونی اولان ۴۲۴۹۳۳ دہ ۱۰۱۵۵۲ ی ذکور و ۲۸۳۷۳ ی انات اولقی اوزرہ جمعاً ۱۲۹۹۲۵

اسلام	۳۷۳۱۲۴	دنيه مزسده استانبولك تعيين مقدارنى وبوشهرده اكثريتك
روم	۱۵۸۲۱۹	هانكى غصبرلرده بولندينى اهميتله موضوع بحث اولدينى
ارمنى	۸۷۹۱۹	برصرده بويوك اهمت و علاقه ايله باييلان بوتخريه
موسوى	۴۰۰۱۸	استانبول نفوس مديريتك اوزرنده وقوعات يورودلهين
مللسائره كه جمعا	۵۱۰۰۶	رسى دفترلرندن زياده اعتداد ايديله بيلير . چونكه هيچ
نفوس بولمشدر .	۷۱۰۲۸۶	ولمازسه كوسترديكى مقدار عقله ياقين در .
		پوليس مديريتك تحريرى نتيجه سنده استانبولك
		۳۱ مركزه مقسم ساحسى داخلده :

اساس جدولدن استخراج واختصار اولنان شو جدول مندرجاتى توضيح مقصدهدها زياده خدمت ايتمكدهدر .

بوليس مركزلى	اركلك	قادين	اركلك چوقى	قبر چوقى	يكون
امين اوكل	۴۸۹۶	۲۵۱۰	۱۲۹۱	۱۱۸۱	۹۸۸۵
آياصوفيه	۷۵۹۳	۶۶۶۶	۲۷۲۹	۲۳۹۵	۱۹۳۹۳
بايزيد	۷۳۶۱	۷۷۸۵	۳۱۷۷	۴۵۳۴	۲۲۸۵۷
فاتح	۴۸۹۶	۴۷۶۶	۲۲۳۰	۱۷۵۱	۱۳۶۴۳
قره كرك	۸۱۸۶	۸۹۳۲	۵۰۲۳	۴۱۸۰	۲۶۳۲۵
شهر امينى	۵۹۹۹	۷۲۲۴	۲۹۱۶	۳۲۷۶	۱۹۵۱۵
اقسراى	۶۲۷۷	۶۵۷۴	۲۵۱۳	۲۵۷۳	۱۷۹۳۷
قوم قيو	۶۴۲۵	۵۹۵۳	۲۶۵۴	۲۲۴۴	۱۷۲۷۶
صايبه	۷۴۹۲	۷۰۶۸	۶۶۴۷	۳۸۱۷	۲۵۰۲۴
مقرى كوى	۷۶۹۰	۷۴۰۴	۱۴۶۸	۱۴۷۸	۱۸۰۴۰
قيانديق	۸۹۵۷	۶۱۶۰	۳۳۹۵	۳۱۴۵	۲۱۶۵۷
فناز	۵۲۲۸	۵۷۷۰	۲۷۷۴	۲۷۱۱	۱۶۴۸۳
ابوب	۵۵۲۷	۵۷۶۷	۲۶۶۴	۲۶۳۰	۱۶۵۸۸
چنگل كوى	۳۶۵۴	۴۰۳۲	۱۷۲۸	۱۶۶۹	۱۱۰۸۳
غلطه	۹۱۲۸	۶۹۱۵	۱۵۷۱	۱۸۲۹	۱۹۴۴۳
بك اوغلى	۱۵۷۱۲	۱۷۲۶۶	۵۱۹۴	۶۴۷۲	۴۴۶۴۴
نقسم	۱۲۰۶۲	۲۱۰۶۳	۳۲۴۶	۵۵۱۷	۴۱۸۸۸
باغفالى	۲۰۲۰۱	۲۳۰۳۱	۹۴۲۴	۹۷۷۱	۶۲۴۲۷
دولا بدره	۶۵۷۶	۷۳۲۵	۵۵۸۹	۵۵۱۹	۲۵۰۰۹
خصكوى	۵۹۱۸	۶۰۸۱	۲۶۴۳	۲۱۲۲	۱۶۷۶۴
قاسم پاشا	۱۱۲۰۸	۱۴۷۳۳	۴۵۶۵	۴۱۴۵	۳۱۶۶۱
يشكطاش	۱۹۸۴۲	۱۶۸۰۵	۸۷۴۴	۹۱۵۱	۵۴۵۴۲
آرناود كوى	۵۵۹۶	۶۹۳۵	۲۷۱۱	۲۶۵۰	۱۷۸۹۲
بيو كدره	۳۶۸۳	۳۲۶۵	۱۶۰۷	۱۷۵۸	۱۰۳۱۳
اسكدر	۴۲۷۸	۴۷۶۲	۱۱۹۵	۱۶۸۷	۱۱۹۲۲
اسكاه	۴۳۴۹	۵۱۳۱	۱۴۸۳	۱۴۷۹	۱۲۴۴۲
چينلى	۵۹۵۶	۷۴۱۶	۴۰۶۳	۴۸۸۴	۲۳۳۱۹
قزل طوبراق	۳۵۲۲	۳۹۸۵	۷۷۴	۹۰۰	۹۱۸۱
ازن كوى	۴۲۵۴	۵۹۴۵	۳۶۱۷	۲۶۶۹	۱۵۴۸۵
بكهوز	۴۸۱۷	۳۹۲۰	۱۱۸۲	۱۲۵۰	۱۱۱۶۹
آمله لر	۳۴۲۸	۵۲۰۵	۲۴۸۴	۲۰۶۷	۱۳۱۸۴
قاضى كوى	۱۰۲۱۲	۱۳۱۹۴	۴۴۷۳	۶۴۶۶	۳۴۲۹۵
يكون	۲۴۰۱۲۳	۲۵۶۴۳۲	۱۰۴۷۹۱	۱۰۸۱۴۰	۷۱۰۲۸۶

سربانی	۳۸
کلدانی	۲۰
لاتین	۲۴
نفوس کور بولومشدی .	۲۹۰۸۰۲

۲۹۰۸۰۲ نفوسک شعبات انتخابیه صورت اقسامیه
انتخاب اشناسنده نظر دفته آلمان منطقه و منتخبانی
مقدارلری و صندوق مواقعی مؤخر انتخابلرده لزومی
اولور و موضوعک تنویرینه ده‌ایزاده خدمت ایدر
مطالعه‌سیله اونلرده آتیده کوسرلمشدر .

شعبات انتخابیه	نفوس عمومی	منطقه	منتخبانی	صندوق
مقداری	مقداری	مقداری	واقعی	
۲۸۶۴۰	۹	۱۹۱	۲۳	بایزید
۶۷۸۸۱	۱۹	۳۴۰	۳۲	فاتح
۷۴۲۰۰	۱۴	۳۷۱	۳۳	پاک اوغلی
۱۲۸۷۶	۴	۶۴	۱۶	یکی کوی
۱۴۷۰۶	۳	۷۴	۱۲	حصار
۱۸۱۰۵	۴	۹۱	۱۱	اسکدار
۱۷۷۳۲	۴	۸۹	۱۱	قاضی کوی
۳۸۱۰	۱	۱۹	۴	آطه‌لر
۷۶۰۷	۲	۳۸	۱۰	مقری کوی

۱۲۷۷

۲۹

۴۵

۲۸

۱۳۹۰

دارالایتملرده

حسبخانه‌لرده

لیلی مکشبلرده بولانلر و ژاندارمه‌لر

۴۶۶۶

۱۶۱۳

۲۹۰۸۰۲

بومقدارله استانبولک عموم نفوسنه ناصل انتقال
ایدلدیکنه کلنجه :

انتخاب مبعوثان قانوننامه‌سک صولک معدل شکلنه کوره
مبعوث انتخابنده اولاً چوجوقلرده داخل اولدیجی حالده
نه قدر نفوس ذکور وار ایسه قید ایدیلر . صوکره
۱۸ یا شیدن یوقاری ارکککله آرسنده هر ۵۰۰ کشتی
ایچون بر منتخبانی و ۲۵۰۰۰ کشتی ایچونده بر مبعوث

پولیس مدیرینک بونتحقیقات و تدقیقاتی ۳۳۸ سنه‌سی
تموزی ایچنده نتیجه‌لنشدی . برآی صوکره ظهورده‌کلن
طولوملو ییکارظفرینک اون‌بش کون ایچنده یونانیلرک ازمیردن
دکزه‌دو کولمنه‌سیست و یرمسی و ظفری مدانیه‌متارک‌سک
تعمیب‌ایتمی اوزرینه آناطولیده حربک واستیلانک دواچی
مدتجه استانبوله التجا ایش اولان مسلم و غیرمسلم ییکارجه
اهالینک برچوق سبیلرله استانبولدن چیقمه‌سی و تشرینانی
ایچنده قوای اشغالیه‌نک شهری ترک مجبورچی حسیله
پولیسک بولدیجی یکوندن وسطی برحساب ایله ۶۰-۵۰-بیک
کشتی اکیلمش اولدیجی سولک اصلام‌بالغه صائلملیرد .

اخیراً مبادله طولایسیله استانبولی ترک استکلری
مبادله قومیسونک بیاناتندن آکلاشیلان ۴۰ بیک مبادلک
بوکونه علاوه‌سی ودها کیده جکلری مسموع و محتمل
بولان ۱۰۰۰۰ نفوسکده بوکا علاوه‌سی اقتضا ایدر .
بناء علیه بو صورته‌ده استانبول نفوسی ۶,۰۰۰,۰۰۰ نه
ایش اولور . پولیسک بولدیجی نفوسک مفرداتی (۱)
نومرولی جدوله مندرجدر .

برآزول پولیس مدیرینک استانبوله موجودیتندن
بحث ایتدیجی نفوسک عقله ده‌ایقین اولدیجی سوله‌مشدک .
بوقاعتمزی استانبولک حکومت ملیه اداره‌سنه انتقالندن
صوکره بوبوک برشوق و هیجابه یاپلان مبعوث انتخابی
اشناسنده یکیدن قید و تحریر ایدیلن نفوس ذکورک
مقداری‌ده آچوق تأیید ایتمکده‌در .

ازجمله ۱۳۳۸ سنه‌سی مبعوثان انتخابنده ملحق
قضالیه برابر استانبول ولایتی داخلنده :

۲۲۸۰۵۸	اسلام
۳۲۷۵۵	روم
۱۵۴۶۶	ارمنی
۱۴۱۷۹	موسوی
۱۳۲	بولغار
۳	بروتستان
۱۲۷	قائولیک

قضاريه تفريق ايدر وقالان ۵۰۰۰۰۰ نفوسه استانبولده موقت ومسافرت صورتيله بولانلرله ۳۰ - ۴۰ بيكدن فضله اولماسى لازم كلن اجنيليرى علاوه ايلرسك ۳۳۸ سنه سنده يالكز شهراماتى حدودى داخلده ۵۰۰ كسور بيك نفوس متمكن اولدينى نتيجه سنها ريزر . حال بوكه ۳۳۸ سنه سنده تحقيق ايدن بونتيجه رغماً ايكي سنه صوكره ۱۳۴۰ سنه سنده ولايت نفوس مديريتجه استانبول ولايتك نفوسى ينه برميلوندن فضله كوسترلمشدر . كوريلوركه استانبول نفوس مديريتده شخص ووضعت دكيشدجه نفوسك مقدارى ونفوس جدوللرينك طرز ترتيبده دكيشمكدهدر .

شويلاه كه :

۱۳۴۰ سنه سنده دائره امانده اجتماع اتمكده اولان اقتصادفخرى مشاورلرى هيئتجه كوستريان لزوم اوزرينه استانبول نفوس مديريتدن شهرك نفوسى طلب ايدلس و « ۳۳۹ سنه سى غايه سنده استانبول وملحقانده متحقق » نفوس قيديله بر جدول كوندرلمشدى كه بوجدول (۲) نومرو ايلاه عيناً درج ايدلمشدر .

بوجدوله كورده - استانبول ولايتى داخلده [شهراماتى حدودى داخلده دكل ۱,۰۶۵,۸۶۶ نفوس موجوددر . اجنيلير بويكونه داخل دكلدر . امانت حدودى خارجنده قالان قضا وناحيه لرك نفوسى بويكوندن چيقارلدينى تقديرده استانبولك منقسم بولدينى طقوز دائره بلديه ده جماعاً ۹۹۳,۵۸۳ نفوسى متمكن اواق لازم كليز . فضله اولمغله برابر بونك ۹۳۵,۸۳۳ دن عبارت اولان كسوراتى بك اوغلى واسكدار ولايتلريه مقرى كوى قضا سناك امانت حدودى خارجنده قالان ملحقاتى ايچون تنزيل ايديليرسه امانت حدودى داخلده ۹۰۰,۰۰۰ نفوسى مفيد بولمقنى ايجاب ايددر . بركت و برسين كه استانبول نفوس مديريتى بوارقاكم حقيقته درجه تطابقتى تصديق اتمه مكده والدن اله كچن برجدولك عيناً و برلديكى شفاها درميان اتمكده دركه بوده

اتخاب ايديلير . بوحسابه كوره ۳۳۸ سنه سنده بولان نفوسه نسبتله ۱۳۹۰ منتخب ثانى اتخاب ايدلمشدر . بويكونه داخل اولانلر آره سنده اسلامارك عددهنده بك آزاكسيكلك اولديغه حكم ايديله بيلير . يالكز غيرمسلمارك اتخابه اشتراك اتمه ملرى و اوصرده بك شياريق برحاله بولملرى بولاره عائد نفوس بويكونده نقصان حصصونه سبت ويرمكدهدر . معافيه بوكى احتماللر نظر دفته آلهرق ذكور نفوس عموميه ينى ۳۰۰۰۰۰ فرض ايدر وشمدي به قدر بايبلان تحريرلردن استدلال ايدلديكته كوره نفوس اثاث نفوس ذكورده مساوى اولمغله برابر بوكا بر او قدرده اثاث علاوه ايلرسك ۳۳۸ سنه سنده شهر امانتيله استانبول ولايتى قضارى داخلده آنچق ۶۰۰۰۰۰ نفوس بولمقنى اولدينى قبول اتمكلكمز اقتضا ايدر .

شونى ده اعتراف وعلاوه اتمك ايجاب ايدركه بوجدولك صوكنده دائره اتخابيه كوسترلمكسزين برر قلم اوله رق مكتبلى ومحبوس وسائر قيديله كوستريان دقلر برآز شهيلير . يعنى قسماً محلاتده قيد اولندقلرى ايچون مكرردرلر . ايشته بولرله برابر - يالكز شهر امانتلك دكل - قوص قوجه استانبول ولايتك نفوسى آنچق ۶۰۰۰۰۰ طوطقهدهدر .

حال بوكه اتخابه باشلامازدن اول استانبول نفوس مديريتى ولايت داخلده برميلوندن فضله نفوس اولدينى هيئت تفتيشيه بيلدرمش وهيئت تفتيشيه جهده بوسعى معلومات اوزرينه استانبولدن بكرمى مبعوث چيقاريله جنى اعلان ايدلمشدى . بيكدن بايبلان وبك چوق مكررلى ده احتوا ايتديكى شهيدن وارسته بولان تحرير نتيجه سى بالاده محرر اولدينى وجهله تعين ايدنجه كيفيت نفوس مديريتدن اهميته صورولمش ومديريت نشر ايديلان بوجدولك ۱۳۲۶ سنه سنده عائد اولدينى افاده واعتراف اتمسى اوزرينه هيئت تفتيشيه رئيس وعيى زمانده استانبول واليسى اولان ذات طرفدن مديرمومى اليك تحظه ايدلديكى ايشيدلمشدى . شيمدى بو نفوسك ۱۰۰۰۰۰ تى استانبول ولايتى

نفوس اداره سنک تنظیم ایستدیک ایستانتسقلرک ماهیتی کوستریر .

(۲) نومرولو جدول ؛ نفوسی یرلی و یابانچی دییه ایکی به تقریق ایتمک صورتیهده باشقه نظر دقتی جالیدر . بوجدوله کوره یابانچلرک اکثریتی امانت حدودی داخلنده بولمقدهدر . وشونلردر :

۲۱۵۶۲۳ اسلام

۳۲۸۱۱ روم

۲۳۳۸۰ ارمنی

۱۷۸۱ موسوی که جمعا ۲۵۳۲۳۰۰۰۰ بویکونی

یووارلاق اوله رق ۲۵۰۰۰۰ قبول ایدر واستانبولک امانت حدودی داخلنده کی اقسامی ایچون تقریق ایستدیکمز ۹۰۰۰۰۰ دن تنزیل ایدمک اولورسوق : استانبوله یرلی اوله رق ۷۵۰۰۰۰۰ نفوسی ساکن بولمق ایجاب ایدر . حال بوکه برآزاول انتخاب طولایسیله پایلان تحریرده بولان مقدار ایلده نابت اولدینی اوزره ولایت ایله برابر استانبوله اعظمی ۶۰۰۰۰۰۰ نفوس اولدینی تحقق ایشدی . استانبولک ساحه سنک وسعتی کوز اوکنه کتیره جک اولانلرک ؛ استانبوله بوقدر آز نفوس بولدیغه احتمال ویرمه جکلرخی قوتله ظن ایتمکدهیم .

مسأله ایلریدهینه مجموعه ایله نشر ایدیله جک « استانبولک ساحه سی و وسائل نقلیه سی » سرناملی مقاله ده باشقه جه ایضاح ایدیله جکی ایچون بوراده فضله تفصیلاته لزوم ومحل کوروله مشدر .

آنحق شوقدر دنیله بیلیر که فی الحقیقه استانبولک ساحه سی واسعدر . و آوروپا ایله آمریقالک ایکی اوچ شهری استنا ایدیلیرسه ساحه اعتباریله استانبول دنیانک الک بویوک شهرلردن صایبیر . فقط مالک غربیه ده کی طرز اسکان ایله استانبوله کی اسکانک طرز بر اولمدیغی ده نظر دفته المی ایجاب ایدر . مثلاً استانبوله هر عالمه خصوصی برمسکنده آتورمق ایستدیک واسکانک یوزده سکسانی بوطر زده اولدینی حالده غربک دیکر بویوک شهرلر ده خلق عمومیتله دنیله جک درجه ده آبارتمانلر ده اقامت ایستدیک معلومدر . برآبارتمان

سکانک ایسه استانبولک بروبارقاج محله سنک سکنه سنه معادل اولدینی شبهه سزدر .

معافیه اولمده بری وهر زمان استانبولی پک بویوک کور دیکمز ایچون بومسأله ی بوراده براقه رق دنیاده ۱۰۰۰۰۰۰ دن زیاده نفوسلی شهرلرک باشلیجه لری هانکیلریدر واستانبولمز بوشهرلر آره سنده قاقچینی درجه ی اشغال ایتمکدهدر ؛ بر آزده بولردن بجی موضوعله مناسبدار کورمکده یز .

ماخذیمز ۱۹۲۴ ده یعنی حربدن صوکره تعدیلاً و توسیعاً طبع ونشر ایدیلن [لاروس اونیه درسل] در . موثوقینه اعماد ایدیله بیلیر . جدوله نفوسلری درج ایدیلنلر اکثریتله ساحله تجارت مرکزی اولانلرله داخلده حکومت مرکزی بولنان بویوک ومشهور شهرلردر . بولنلرخریطه لره شویله برکوز کزدیرمکه مهم کوریلنلر وهر کون غزته لرده وسأله ده اسمی ایشیدیلنلر در . بوشهرلردن باشقه بالخاصه وسطی آوروپاده آمریقاد، آفریقاده، ژاپون یاده وچینه برقاج شهر دهسا بولنه بیلیر . مقصد بویوک شهرلر آره سنده استانبولک موقعی کوستر مک اولدینی ایچون بوقدری ده کافیدر صانیم .

۷۲۵۰۰۰۰	لودره	۸۸۱۰۰۰	بودایشته
۵۶۲۰۰۰۰	نویورک	۸۴۸۰۰۰	قالکوتا
۲۹۰۶۰۰۰	پارس	۸۲۱۰۰۰	بومبای
۲۳۰۰۰۰۰	پترسبورغ	۷۷۳۰۰۰	سن لونی
۲۲۰۰۰۰۰	توکیو	۷۷۰۰۰۰	بوستون
۲۱۸۵۰۰۰	شیقاغو	۷۵۶۰۰۰	بروکسل
۲۰۷۰۰۰۰	برلین	۷۴۰۰۰۰	مانچستر
۱۸۴۲۰۰۰	ویانه	۷۴۰۰۰۰	لیودر پول
۱۵۸۰۰۰۰	بوئنوس آیرس	۷۰۰۰۰۰	ناپولی
۱۴۸۱۰۰۰	موسقووه	۷۰۰۰۰۰	پکین
۹۸۷۰۰۰	هامبورغ	۶۷۶۰۰۰	پراغ
۹۸۰۰۰۰	وازشووه	۶۶۳۰۰۰	میلانو
۹۷۵۰۰۰	ریمودزانه یرو	۶۵۴۰۰۰	قاهره
۹۴۳۰۰۰	استانبول	۶۵۰۰۰۰	روما

بوجدولده صيرالانان شهرلك نفوسنه كوره استانبول	هاوانه	۳۰۰۰۰۰	مادرید	۶۵۰۰۰۰
بوپوك شهرلر آرمه سنده اون دردنجىلكى احراز ايتكمكده در.	ستوتفارت	۲۸۵۶۰۰	آمستردام	۶۴۲۰۰۰
استانبولك نفوسى بومقدارده قبول ايتيمرك ۶۰۰،۰۰۰	پوردو	۲۶۷۰۰۰	موسخ	۶۳۰۰۰۰
راده سنده تخمين ايتديكمز كوره شهرمرك درجه سى	قريب تانيا	۲۶۰۰۰۰	كیف	۶۱۰۰۰۰
اوتوز اوچه تزل اتمش اولور . حال بوكه شيمدى يه قدر	برهم	۲۶۰۰۰۰	مارسليا	۵۹۳۰۰۰
جغرافيا كتابلرينده همز استانبولى دنيالك اوچنچى ويا	جنوه	۲۳۰۰۰۰	بارسلون	۵۸۷۰۰۰
دردنجى درجه ده نفوسه مالك برشهرى عد ايدىوردق .	سته تين	۲۳۶۰۰۰	مكسيكو	۵۷۱۰۰۰
بوجدولده تور كيه دن ويراندن وبلكه چيندن باشقه	دلش	۲۳۵۰۰۰	بالتيمور	۵۵۸۰۰۰
ملككتلر نفوسى ايچون كوسترلين مقدارلره اينانماق	لسيل	۲۱۷۰۰۰	كيوتو	۵۳۹۰۰۰
ايچون سبب يوقدر . حقى بوميانده ۱۳۲۸ سنه سنه قدر	شام	۲۰۰۰۰۰	برمنهام	۵۳۳۰۰۰
تور كيه حدودى داخلنده بولنان سالنيك ايله حرب عمومى	قازان	۱۹۵۰۰۰	ليون	۵۲۳۰۰۰
نتيجه سنده ضايع ايديلن بيروت ، قدس ، شام وبغداد كى	بيروت	۱۸۵۰۰۰	مادراس	۵۱۹۰۰۰
شهرلر نفوسلك ده اورالرى اشغال ايدن دولتلرجه صوك	هلسينغفوره س	۱۸۷۰۰۰	روتدام	۵۱۰۰۰۰
زمانلرده علمى برصورتده تحرير ايدلش اوله جغنده	ليه ز	۱۸۴۰۰۰	قوبنهاغ	۵۰۶۰۰۰
شبه يوقدر . عجا ازميرده شهرلك ياريسى يانددقن وروملر	نانت	۱۸۳۷۰۰	تورهن (لورينو)	۴۵۰۰۰۰
چيقارلقدن صوكره ولاروسك ترتيب وطيعنه .صادف	ناغازاكي	۱۷۶۰۰۰	واشington	۴۳۷۰۰۰
۱۹۲۴ سنه سنده سینه ۳۷۰،۰۰۰ نفوس بولندينى طوغريميدر ؟	استرازبورغ	۱۷۸۰۰۰	ليزبون	۴۳۵۰۰۰
طوغرى اولمدينى ۳۳۹ سنه سنده حكومتجه ترتيب	طولوز	۱۷۳۰۰۰	يوقاهاما	۴۲۲۰۰۰
ايدلش اولان برقاچ سطر آساغيده كى جودله ۹۸۸۴۶	تونس	۱۷۲۰۰۰	استقھولم	۴۲۰۰۰۰
كوستراسيله ناستدر .	هاور	۱۶۳۰۰۰	دوبلن	۴۰۶۰۰۰
دنيالك اك اهميتسر حكومت وملككتلرينده بيله	ونديك	۱۶۳۰۰۰	اوده سا	۴۰۶۰۰۰
۱۰۰،۰۰۰ دن زياده نفوسه مالك برقاچ شهر موجود	تريسته	۱۶۱۰۰۰	بلفاست	۳۸۳۵۰۰
اولدينى حالده تور كيه ده بونوع شهرلردن يالكز برعد	سالنيك	۱۶۰۰۰۰	انزمير	۳۷۰۰۰۰
بولنسى زرتوركلرى اونلره يتشمك خصوصنده منبه وظيفه سنى	دانزيغ	۱۵۹۰۰۰	لاهي	۳۶۱۰۰۰
كورمك ايجاب ايدر . مع مافيه قارنلر بلكه بوكا احتمال	آوغسبورغ	۱۵۶۰۰۰	رايستول	۳۵۷۰۰۰
ويرمزلر تور كيه ده ده ۱۰۰،۰۰۰ دن زياده نفوسه مالك	مسينا	۱۵۰۰۰۰	سكندريه	۳۵۰۰۰۰
شهرلر وارد مطالعاه سنده بولنورلرديه ۳۳۹ سنه سنده	بغداد	۱۴۵۰۰۰	بكرش	۳۵۰۰۰۰
داخليه وكالتلجه بر (شهر بلديه قانونى) ترتيب ومجلسه	هاقودانا	۱۴۴۰۰۰	فراقفورث	۳۳۵۰۰۰
تقديم اولندينى صرعه تور كيه ده نفوسى ۲۰۰،۰۰۰ يچن	جزاير	۱۴۲۵۰۰	اديبورغ	۳۲۱۰۰۰
۲۴ شهر تحقيق وتبيت ايديله رك برجدول ترتيب ومذكور	جنوره	۱۴۰۰۰۰	آنورس	۳۰۲۰۰۰
قانونك اسباب موجب مضطه سته درج ايدلش اولديغندن	حلب	۱۳۵۰۰۰	باكو	۳۰۰۰۰۰
اورادن اقتباس ايديله رك آنى به درج ايدىيوردم . بوجدول استانبولك	آته	۱۲۰۰۰۰	طهران	۳۰۰۰۰۰
تور كيه شهرلرى آرمه سنده كى موقعنى تعينه دهمدار اوله جقدر .	صوفيه	۱۰۰۰۰۰	قدس	۱۱۵۰۰۰
تمنى اولنور كه ياقين سنه لرده بوشهرلردن برقاچلك نفوسى	مراكش	۱۰۰۰۰۰	طولون	۱۰۶۰۰۰

بالخاصہ آقرہ نلک کی ۱۰۰,۰۰۰ ی تجاوز ایتسون دہ
استانبول دہ کنڈیسنہ یاقین برویا قاچ شہرک وجودیلہ
افتخار ایتسون .

تور کیدہ ۲۰۰۰۰ دن فضلہ نفوسہ مالک شہرل

ازمیر	۶۶۹۳۷	طرزون
قونیہ	۲۵۹۹۰	کلیس
بروسہ	۲۵۴۵۷	دیاربکر
اطنہ	۲۳۳۱۰	مرعش
قیصری	۲۳۱۰۰	قرہ حصار صاحب
ادرہ	۲۲۹۶۰	اسکی شہر
غازی عیناب	۲۲۶۷۰	نوشہر
اورفہ	۲۱۵۱۲	آماسیہ
آقرہ	۲۰۷۰۵	طرسوس
سیواس	۲۰۰۰۰	ارضروم
ماردین	۲۰۰۰۰	صامسون
مغنیسا	۲۰۰۰۰	آنطالیہ

حکومتک اسباب موجبہ سندہ بولستہ نلک آتندہ شو
«... اوزون سنہ لردن بری تحریر نفوس یا یلمدینی
چہتلہ نفوسلرک قطعی ومعرض لیستہ نلک لایتغیر اولدینی
ادعا ایدیلہ من.» فقرہ سی موجوددر . بورسی افادہ
علاوہ ایدہ جلک سوز بولامام .

بنہ بواسباب موجبہ مضبطہ سندہ کوربان ایضاحانہ
نظراً تور کیدہ نفوسی ۳۰۰۰ ایلہ ۲۰۰۰ آرسندہ ۲۲۳
قصبہ واردر . بوتون بورسی تدقیقات وایضاحات
کوستریورکہ استانبول ہر ایک تقسیمک خارجندہ اولوب
تور کیدہ نلک یگانہ بوبوک شہریدر .

استانبولک نفوسی تور کیدہ نلک دیگر شہرلری ایلہ
دکل ولایتلرلہ دمقایسہ ایتمک فائدہ دن خالی اولمہ جقدرد .

یکی تور کیدہ نلک ۷۲۷,۵۲۰ کیلومترو مربی مساحہ -

سطحیہ بی ۱۲,۸۱۵,۲۷۴ نفوسی حاوی بولندینی بعض
تشریادن اکلالمقصدہدر . بحسابہ کورہ تور کیدہ

- بالطبع استانبولک نفوسی واستانبولک مساحہ سی دہ
داخل اولدینی حالہ - کیلومترو مربیہ ۱۷ نفوس

اصابت ایتمکدہدر . استانبولک مجموع مساحہ سطحیہ سنک
۲۰۴ کیلومترو مربی اولدینی بالمساحہ ثابت ونفوسنک دہ
۶۰۰,۰۰۰ رادہ سندہ بولندینی بورایہ قدر سرد اولتان
مطالعات و ایضاحادن مستبان اولمسنہ کورہ رقلک
یووارلاق اولسی ایجون ۲۰۴ دن ۴ حذف آیدیلر
و ۶۰۰,۰۰۰ عددی ۲۰۰ ہ تقسیم اولنورہ استانبولہدر
کیلومترو مربیہ ۳۰۰۰ نفوس اصابت ایتدیکی تظاہر
ایدرد . شو حالہ مساحہ سطحیہ سنک آزلغہ نسبتلہ استانبول
تور کیدہ نلک الزیادہ مسکون اولان بری در . ۶۰۰,۰۰۰
نفوسی استانبول شہریدہ تور کیدہ نلک اوچ , بش شہریدن
دکل اوچ , بش ولایتندن زیادہ نفوسہ مالک دیمک اولور .

تور کیدہ ولایتلرنلک نفوسی ومساحہ سطحیہ سی

ولایات	نفوسی	مساحہ سی
آرتوین	۴۵,۰۰۰	۲,۷۲۰
اطنہ	۱۹۰,۰۰۰	۸,۳۳۰
آفیون قرہ حصار	۳۲۵,۰۰۰	۱۰,۸۵۰
آقسرائ	۱۱۸,۰۲۰	۵,۶۲۰
آماسیہ	۱۷۰,۱۰۰	۸,۱۰۰
آنطالیہ	۳۸۹,۰۷۰	۱۴,۴۱۰
آقرہ	۳۴۱,۰۰۰	۲۸,۳۵۰
آیدین	۱۷۹,۹۵۰	۷,۶۵۰
ادرہ	۱۱۸,۳۵۰	۶,۰۷۵
اردھان	۸۵,۰۰۰	۷,۶۱۰
اردو	۲۰۸,۹۴۰	۳,۳۷۰
ارزنجان	۹۴,۴۴۰	۷,۸۷۰
ارضروم	۲۷۱,۸۴۰	۳۳,۹۸۰
ارطغرل	۱۱۰,۲۰۰	۷,۶۶۰
ارغنی	۴۵,۰۰۰	۲,۶۸۰
ازمیر	۳۶۷,۰۰۰	۱۱,۴۷۵
اسپارتہ	۱۳۸,۳۷۵	۹,۲۲۵
استانبول	۱,۰۱۱,۰۰۰	۳,۳۷۰
اسکی شہر	۱۴۷,۱۰۰	۱۳,۳۵۰
اورفہ	۱۴۳,۳۲۵	۲۰,۴۷۵

ولایات	نفوسى	مساحهسى	ولایات	نفوسى	مساحهسى
ایچایل	۱۰۲,۶۰۰	۱۲,۸۲۵	طرزون	۳۸۴,۷۵۰	۶,۷۵۰
ازمیت	۹۲,۵۰۰	۹,۶۷۰	غازی عینتاب	۱۷۱,۸۷۰	۳,۳۷۰
بایزید	۵۹,۳۴۰	۹,۸۹۰	قارص	۶۳,۱۴۰	۹,۰۲۰
بتلیس	۳۱,۵۰۰	۸,۹۳۰	قرقلرایلی	۵۰,۳۸۰	۴,۵۸۰
بروسه	۱۴۶,۰۰۰	۱۰,۲۵۰	قره حصار شرق	۱۰۱,۴۸۰	۴,۷۲۰
بور دور	۷۶,۵۰۰	۷۶۵	قره سی	۱۵۰,۰۰۰	۱۳,۱۵۰
بوزاق	۲۶۳,۹۲۵	۱۱,۴۷۵	قسطمونی	۳۷,۵۷۵	۱۳,۷۲۵
بولی	۱۷۹,۷۲۰	۱۱,۰۱۰	قوزان	۶۶,۰۵۰	۹,۴۵۰
تکفور طاعی	۲۰,۲۴۰	۵,۴۲۰	قونیه	۵۲۲,۲۸۰	۴۷,۴۸۰
توقاد	۲۴۷,۹۵۰	۱۳۰۵۰	قیرشهری	۱۵۵,۹۲۰	۶,۷۵۰
جانبیک	۱۷۴,۲۵۰	۶,۹۷۰	قیصری	۳۰۴,۸۹۷	۸,۸۷۰
جبل برکت	۶۷,۴۴۰	۵,۶۲۰	کلیسولی	۳۸,۸۷۰	۱,۳۵۰
چتالجه	۳۱,۳۵۰	۲۰۲۵	کوشخانه	۱۲۹,۲۶۰	۵,۶۲۰
چناق قلعه	۱۵۴,۲۳۰	۶,۷۱۰	کنج	۶۳,۵۰۰	۱,۳۵۰
چوروم	۲۲۴,۴۹۰	۱۱,۷۴۰	کنغری	۱۸۹,۸۴۰	۷,۹۱۰
حکاری	۸۵,۰۰۰	۱۷,۵۵۰	کوناخه	۲۷۲,۲۵۰	۱۲,۳۷۵
درسم	۵۵,۸۰۰	۴,۶۵۰	کیره سون	۱۹۴,۱۶۰	۱,۰۹۰
دکنزلی	۲۳۰,۵۸۰	۸,۵۴۰	ماردین	۱۷۰,۹۴۰	۱۵,۵۴۰
دیاربکر	۱۴۳,۰۴۰	۱۱,۹۲۰	مرسین	۳۲۴,۰۰۰	۵,۴۰۰
ریزه	۱۵۰,۱۷۰	۴,۷۲۰	مرعش	۱۵۵,۲۵۰	۱۰,۳۵۰
زونفولداق	۱۷۹,۸۴۰	۵,۶۲۰	معموره العزیز	۹۲,۰۰۰	۷,۸۸۰
سکرد	۸۲,۰۷۰	۹,۲۳۰	مغله	۱۶۴,۶۴۰	۱۳,۷۲۰
سینوب	۱۵۷,۹۵۰	۵,۸۵۰	موش	۱۷,۰۰۰	۸,۵۰۰
سیواس	۳۵۹,۸۵۰	۲۷,۶۸۰	ملاطیه	۲۱۷,۲۸۰	۱۵,۵۲۰
سیوه ریک	۵۹,۵۴۰	۵,۴۱۰	نیکده	۱۷۱,۰۰۰	۸,۵۵۰
صاروخان	۳۷۶,۱۴۰	۱۴,۳۹۰	وان	۳۵,۵۶۰	۱۷,۷۸۰

نفوسدن بحث اولمسنلک هیچ بر علمی واحصائی قیمتی یوقدره .
 بناءً علیه کرک بوملاحظات کرک ۱۳۳۸ سنه سندن صوکره کی
 سیاسی ، اجتماعی واقصادی تبدلار نظر دفته آلتهرق
 بوکونکی استانبول نفوسنک ۵۰۰ الی ۶۰۰ بیک آرمسند
 اولدیفنه اشبو تدقیقات نتیجه سنده قناعت حصوله کلشدر .
 استانبوله ییکی برتحریرک نیچون الزم وضروری
 اولدیفنی وتحریرک نه صورتله یایلمی ایجاب ایلدیکی حقنده
 دردنحی بر مقاله ده بیان مطالعات اولنه جقدر .

عثمان نوری

خلاصه : تورکیه ده ۱۳۰۰ تاربخنده ایلاک دفعه علمی
 برطرزده یایلمش اولان تحیررده استانبوله ۷۶۳۵۶۵ نفوس قید
 ایلمش ، ۱۳۲۲ ده تکرار ایلدیان تحیررده یینه بوکا
 قریب نفوس بولنش ، ۳۳۸ ده پولیس مدیریت عمومیه منجه
 املاک الیه برابر اجرا قلنان تحیررده بولنان نفوس ده
 کذلک ده اولکی تحیر برلردن فضله بر مقدار کوسترمه مش
 اولدیفندن نفوس هیچ برزمانده وهیچ بر دورده ۸۰۰ بیکه
 ییله بالغ اولمایان استانبوله بریحقی میایوندن حتی بر میلیون